



kat.kong.

17476

I

Mag. St. Dr.

P

Władysław Ep. Przemyski
Pacynski Felices et fausti
ingressus in episcopatum Przemiski
Wieniec.

PANEG. et VITAE

Polon. 4^o

N^o. 822.

F

54

FELICIS & FAVSTI
INGRESSVS IN EPI-
SCOPATVM PRÆMYSLI-
ENSEM.

Ad Ill^l & Rnd^l Dominum, D.
STANISLAVM SIECINSKI
Præsulem nouo creatum Præmysliensem
dignissimum.

GRATVLATIO.

Per F. Hyacinthum Duracz Carmelitam oblata.

CRACOVIAE.
In officina Simonis Kempinij Anno
Christiano MDCX.

IN STEMMA

Vetustissimum Dictum Rogala.



174765

Cornua bina vides claro pro stemmate ferri
 Lechûm. à Siecinski Præsule magnanimo.
 Cornua namque viris duo sunt hoc sanguine cretis
 Quêis feriant hostem : Marsque Minerua sagax.
 Marte Getas reliqui feriant qui castra secuti,
 Hereticos Præsul, arte ferire velis.

GRATVLATIO.

SI Centoculus ille Deitatis triumuiratus, eo munere
sibi obstringere voluisset, vt, quidquid verborum
conceptâ serie, ardentibus votis expostularem, id reapse
in effectu ipso consequi fas esset: exoptarem, non quod
stultissimè, auarissimus Midas, vt omnia quæ per sensus
aut video, aut audio, aut olfacio, aut gusto, aut attrecto,
in aurum conuersionem & mutationem sortirentur;
nec quod imprudentissimè, hac in re meritò inscitiae
notâ adspargendus Cleanthes, vt singula, quæ in aciem
oculorum deuenirent conspicanda, lucidissimo & cla-
rissimo solis splendore & fulgore collustrarentur ac co-
ruscarèt; neq; quod turpissimè fœdissimus porcus Epi-
curus, vt mihi è limo terrâq; figulato, cœlestes volupta-
tes impartirentur & erogarentur. Sed vt orationis huius
meæ tenuissimum filum haberet aliquantulum, si non
totum aut aliquid, exquisitæ & perpolitæ dicendi artis,
quâ, in conspectum Ill^{mi} & Rnd^{mi} Antistitis, non desti-
tutus prodirem; & calamus aliquid è Tullii delicis, aut
Demosthenis cincinnis, aut Periclis fulminibus, aut
Asinii vbertate, qui fortia magis quam diserta scribens
laudes & præconia, amplissimi Præsulis scriberet & pan-
geret: & animus, nescio quid diuini luminis, quo cla-
rissimi Episcopi, mihi & toti familiæ nostræ Carmeli-
tanæ, mentem et amorem arctissimâ & indissolubili
beneuolentiâ deuincirem & constringerem. Nam cum
modernis temporibus tam terfa & exculta iudicia sint
hominum,

hominum, vt limam Aristarchi nō requirant, itaq; quid;
 quid adinstar scopparū dissolutū, nulloq; artificio col-
 ligatum est, illud cum fastidio repellunt: & cum aures
 non solum eruditorum, verū etiā imperitorum, tam
 sint politę & limatę, disertissimorumq; Oratorum lecti-
 one tritissimę, vt nullam Orationem, nisi fuerit illa elo-
 quii veneribus decora, & dicendi calamistris inulta; ex-
 quisitissimisq; verborum lenociniis demulsa, patienter
 ferant; illis non dico aliquantula imprudentiæ nota ad-
 pingi, sed fædissima impudentiæ labes allini debet, qui
 & à naturâ eloquentiæ floribus marcidi, nec verborum
 flumine, ex intimâ arte prompto scaturientes (in quo-
 rum ego grege annumerari minimè erubescō) in ora-
 torū celebritate versari & infantes, minimi literatoresq;
 eloquentissimorum, Maximorum, literatissimorumq;
 laudes, ipsi illaudati deprædicare audent. Quid igitur
 facerem? nisi quòd tota familia nostra Carmelitana, &
 Rectores ipsius Tibi Amplissime Præsul æternū de-
 uoti, iussere, & grandem materiam, ingenio meo exi-
 guo non sustenturo, & in ipso conatu vltra vires auden-
 ti, succubituro, demandauere, vt omnem meam infan-
 tiam dicendi posthaberem, omnem eloquentiorum in-
 cusationem & reprehensionem postponerem, & si quo-
 rum obstrigillantium aculei reperti fuerint, valenti &
 robusto animo perferrem. Prodeò itaq; in solem lippis
 inunctus oculis, sed inuitus, vt verecundiam agnoscas
 Reuerēdis: Antistes: descendo in hunc puluerem cum
 malè

malè exercitatis equis, verum iussus, vt æternum deu-
 otissimum Ordinem B. M. Virginis de monte Carme-
 lo aduertat; decurro in hæc curricula dicēdi, sed vt inge-
 nio ieiuno, ab hac prouinciâ grandiloquâ alienissimo,
 sic ad communem omnium nostrum Carmelitarum
 animo ad ostendendam & declarandam obsequiorum
 promptitudinem propensissimo, vt voluntatem pro-
 bes. Neq; vero eâ ratione hoc dicēdi iter ingressus sum,
 quod Tuas Amplissime Præsul laudes, quæ longe lateq;
 diffusæ sunt, vixq; terminis Garamantarum & Indorum,
 Diis fauentibus vt annuit Tuus genius Reuerendis: An-
 tistes (absit blanditia verbo) circumscribi possunt,
 meæ paruulæ orationis finibus includi autem: aut
 quod Orationem meam, sine illius oratoris, quem alte-
 rum mater, alterum industria enixa est, artificio fluxam,
 sine Periclis fulminibus, languidam, sine Isocratis mel-
 le amaram oculos Tuos, aliquâ voluptate disuauiare
 posse existimem: sed eâ potissimum de causâ, quod cū
 omnia etiam inanima ferè, suorum Mecænatum laudes
 depredicent, siue animi quædam religiosa concitatio id
 expresse ab iis, siue ratio officii necessaria exegerit.
 Nūm Carmelitas silentium perdidisse debuerat, vt A-
 myclas in sui Mecænatis & Amplissimi Præsulis, tot be-
 neficiis commemorandis & concelebrandis à quo nos
 omnes, & sperandi, & respirandi rationes suspensas no-
 bis pollicemur. Te Te proinde Præsul dignissime pau-
 lulum à Carmelitis modò patiaris non Tuis iustis co-
 la-
 A3

loribus effingi, & floribus depingi, quod non possumus sed debemus: verum certis quibusdam lineis, pro modulo ingenii adumbrari: quod non debemus, sed non possumus.

Nec nouum nec mirum est, imo vſitatiffimo & quotidiano more Oratorum receptum, vt ij, qui aliorum præclare gesta, ſiue ſempiternis monumentis conſignare niterentur, ſiue breuiuſculo ſtylo prædicare & penicillo præteruolante adumbrare conarentur, exordium laudum ipſius, quem celebraturi ſunt, à genere, patriâ, Maioribus, proſapię vetuſtate & ſplendore, educatione inchoent & auſpicientur. Nec enim eos eo in loco audiendos, imò explodendos cenſuerim, qui cœco mētis errore tranſuerſim acti, aut virtutis, virtutis tantum ſplēdidiffimâ ſpecie falſo illecti, nihil imaginibus, nihil ſanguini, nihil familiarum fulgori & ſplendori, nihil ipſi generis propagationi tribuendum putant, plenis buccis & pleno ore illa proferentes.

*Stemmata quid profunt, quid prodeſt ſanguine longo
cenſeri, ſola eſt atq; vnica virtus*

Nobilitas

Malò tibi ſit Theſſites pater, modo tu ſis

Æacidae ſmilis.

Sæpe Heroum filij noxæ; ij ſi nullius regni & Monarchiæ habenas ac regimen, præterquam ijs, qui illuſtres alicuius familiæ ſatirediti (prout enim rara Phoenix in mundo; ita rari Iphicrates, aut noſtri Piaſti) omnium ætatum nationumq; cōſenſu commiſſum & traditum animad-

GRATVLATIO.

animaduenterint; si nullum vnquam eorum ex aquilâ;
aut asinum è leone; aut canem è leopardâ progenerum
viderint: sed fortes creari fortibus ac bonis, esse in iuue-
cis, esse in equis patrum virtutem, nec imbellem à fe-
rocibus aquilis, progenerari colubam; si dico nunquâ
nec ex lauro sentes, nec ex oliua glandes, nec ex lilio vr-
ticas, effloruisse perspexerint; Si inquam lectitârint a-
pud Hystorographos esse non infimam laudem, fuisse,
vel Æneæ Iulum spe crescentem, vel Priami Hectorem
pectore fortem, vel Iouis Herculem virtute masculum;
deniq; si vnâ mecum, Amplissimi Præsulis Stanislai Sic-
cinski ex Illustrissimi sui Parentis sanguine efflorescētis,
virtutes, gesta, & facta, mente & animo lustrârint quid
& quantum habeat momenti, & ad vitam sanctè pieq;
cum terrore & extirpatione Hæresew degendam, & vir-
tutis viam studiosè persequendam, & laboriosè calcan-
dam nec non hunc Episcopatum Præmyslensem iusti-
ssimè & sanctissimè, ad instar Stanislai, aut Alberti, aut
Zbignei Olesnicki aut Prædotę regendū, & administrā-
dū generis splendor maiorūq, & paternis sāguinis primū
insita, post propagata vis sine vllō negotio vel talpę in
mediâ luce videbūt. Nam etsi Tua Rndissime Antistes
vita adeò omnigenis virtutibus, tanquā stellulis quibus-
dā distincta fuerit, & emicuerit, velut inter ignes Luna
minores, vt dum Te primum inter Satrapas & Dynastas,
curię Regię Sarmaticę, summâ cum laude Tua & ho-
nore, commemorantem dixero; vel Canonicum Craco-
uien-

GRATVLATIO

uiensē omni humanitate pręditum, & liberalitate pene
 diuinā munificum nomināro, insuper, mitrā Episcopali
 donatum Premysliensi, omnes honores, & dignitates
 mundanas antecellente adpellauero, non tam Tuum
 nominis splendorem hisce titulis & ornamentis conde-
 corare, quā eos titulos & ornamenta Tuo nomine
 nobilitare & honestare videar. Verumenimuerō si Te
 Reuerendissime Antistes Patris Tui amplissimi Marte
 & Pallade potentissimi, sanguine cretum, & Sieciniōrū
 Stemmate dicto apud Sarmatas Rogala illustrem dixe-
 ro, tantū laudis videbor Tibi tribuisse, quāntū diui-
nus Homerus Agamemnoni, dum Palladis, aut fulmi-
 nans & fulgurans Maro Æneæ, dum Veneris, aut iucun-
 dus Ouidius: Augusto, dum Iouis, aut sedatus Statius
 Achilli, dum Martis, aut reliqui Poëte, ceteris clarissi-
 mis & omni genere honorum insignitis viris, cum Deo-
 rum illis genus & sanguinem adfingerent & adscribe-
 rent. Eam namq; hausēre antiquissimi quiq; opinionem
 & imbibēre mentibus sententiā tantā in prosapia,
 familięq; ratione, & generis ipsius naturā insidere vim,
 vt nihil ab eo edi præclarum, ac ne statui quidem, nihil
 ab eo statui pulcrum, ac ne cogitari quidem, nihil ab eo
 cogitari magnificum, ac ne sperari quidem cuius nomē
 & genus à Dei aut clarissimi cuiuspiam viri familiā non
 fuerit deriuatum. Neq; vero cum hęc mando chartæ,
 id à quoquā intelligi velim: à me aliquam poni aut
 in Poëtarum commentitijs fabulis veritatem, aut falso-
 rum

GRATVLATIO.

rum numinum opinione religionem, aut prisce vetustatis verè anili superstitione diuinitatem, (quanquam & Pòetarum figmenta, solent veritatis, & Deorum opinio potest religionis, & vetustatis superstitio debet diuinitatis quandam rationem præseferre) sed vt autoritate veterum id eliciam fuisse in mentibus omnium populorum insculptum, etiam eorum quos vel fèdissima morum barbaries infuscauit, vel ludicra & nugigerula Deorum inanissimorum superstitio velut mǎcipia quedam sibi obstrinxit, vt magnum quid de generis nobilitate, plenâ honoris & obseruantie, sentirent ac vbiq; nō tantum in vulgus spargerent, verum etiam in sumâ celebritate hominum profeminarent. Quid igitur hic primum dicam, de prosapiâ Tua Amplissime Præsul? vbi vltimum primum, primum vltimum. Vbi enim Marte dixero potentes, velut primo sedem suam figēte in nostris Sarmaticis oris, ecce Pallas posterior licet migrans in nostras ædes, vult Tuos maiores suarum doctrinarū splendore illustres, & Musarum choro claros, vt quæ duæ res rarissimè aut vix vni concessæ & collatæ, sed pluribus; ex vtręq; in Tua familia Rñdissime Antistes vnâ & simul domicilium suum seposuisse ab omnibus conspiciantur. Neminem latere autumo Sieciniorum familiam antiquitate, & si non omnes superantem, certè multas prosapias longo post se intervallo relinquentem, in duobus districtibus Dobrzinenfi & Premysliensi suum fixisse pedem, ac Martias, nec non Palladias virtutes v

B

biq;

GRATVLATIO.

biq; locorum velut patulos ramos diffudisse. Ac vt primum recenseam Tuos maiores, qui solum Pręmysliense incoluere, quorū cum gloria, fama, virtus, doctrina rei militaris summa peritia, honores, amor in patriam, velut luminaria quędam, inter nobiles illius Soli, in hodiernū vřq; diem, & post in quā longissimos annos, luceant & splendeant: Te proinde pastorem illarum ouium Pręmysliensium, ille summus pastor Deus pręsciuit & pręelegit, Pro-Petrus Paulus V. adprobauit, Serenissimus Sigismundus III. in locum nuper defuncti Rñdissimi Matthię Piřrokonłki, insigni virtute Tuā, & doctrinā perspectā, laboribus indefessis, in curandis non deglūbendis ouibus sedulō trutinatis, suffecit. Sed vt vnde cepit eō recurrat mea dictio, scilicet ad recēsendos Tuos Maiores, inter Pręmyslienses nobiles accolas: horum agmen agit primus Iacobus Siecinski, filius Iacobi Siecinski cognomento dicti Trāba: hic cum multos, summā cum laude & suā & posterorum, in arte militari exgisset aņos, gloria ipsius tam pręclara rerum insignium gestarum, velut clangore quodam sonoro tubarum, etiam exterarum nationes, tot & tantis cladibus editis, in Turcarum & Scytarum numerosissimis exercitibus, repleuit. Summa laus huius Viri, non minor certē, nec inferior, imō vix cuipiam par, Alexii Siecinski, in eodē districtu Pręmysliensi, qui cognomen aliud adsciuit sue familię, nimirum Krasicki: hic Tribunum egit ibidem, Vir sane sagatus & togatus pręstantissimus, proleq; è
dua-

GRATVLATIO.

duabus vxoribus susceptâ clarissimus: Regis Augusti obsequiis diuturnis insignis. Neq; etiâ eo in loco silentio prætereundû, duxerim Stanislau Siecinski, Capitaneum Lubomien: trium Regum muniis obeundis fidelissimè & sincerissimè illustrem, maxime vero, Regi Stephano Viro Martij pectoris amantissimum: quod equidem facile cuilibet liquere potest, ex illis expensis, quas inter ceteros non impares, in expeditionibus bellicis, regnâte Bathoreo fecit: vtpote in bello Gedanensi, in bello contra Moschum impiè fœdifragum, & Pëno ipso (vt ita loquar) Pëniorem: in quibus sane difficilimis & maximis bellis, facile videre omnes eû vel Scæuolam, non manum adurentem, sed vitâ vitam ipsam, pro aris & focis patrijs, pro religione Catholica profudentem: vel Coclitem suo robore impetus Germanicos & Moschouiticos retundentem & repellentem: vel Achillem non Hectora ter circum muros raptantem, verûm tot Turcarum, tot Scytharum capita abscindentem. Hęc gesta à Siecinijs inter Pręmyslianos, quę erunt inter Dobrzynianos? Silebo reliquos, ne magis videar offundere ecclypsim huic soli, dum non possum satis dignè laudare quam addere splendorem. Tuus parens clarissimus Andreas Siecinski Amplissime Pręsul, est mihi instar omnium, vt cuidam Oratorum diuinus Plato. Cuius ego, si facta, virtutem, domi militięq; præclara facinora, vellem commemorare, & dicere, actum agere & frondes syluis importare viderer. Verûm ne tamen

GRATVLATIO.

quispiam mihi vitio verterit, quòd omnino nihil de ipsius laudibus dixero, hanc itaq; ego vnicam ipsius laudem, in tam àplissimâ prouinciâ rerum ab eo gestarum delibare, hunc vnicum flosculum, in spaciosissimo, eoque amēnissimo Hortulo ipsius decerpam, cum sūma laterum contentione proclamans. Ab eo Viro, tam præclaram prolem, quæ comprimis Deo honori, patriæ laudi, amicis exemplo, post omnibus solatio & auxilio sit, editam esse: usu vero vetustatis contritum esse dicterium: qualis pater talis filius, & è conuerso: qualis filius talis pater, rarus est qui ambigat Atq; silētio inuolutâ ceterâ sobole, Amplissimus Præsul Præmysliēsis Stanislaus Siecinski, omnes omnium virtutes, omnia dona siue animi siue corporis complexus est: vt meritò ego iussus ab ordine meo Carmelitano, & si non iussus, tamen virtute ipsius permotus, doctrinâ pertractus, humanitate & liberalitate illectus, gratulari comprimis Cathedræ Præmysliensi debeam quòd talis Episcopus ei obtigerit & mitræ, quòd tã probum & doctum caput tanti Præsulis cinxerit: & ouibus, quòd eiusmodi pastor eis obuenierit: insuper ipsi amplissimo Antistiti Stanislao Siecinski, quod in tantum culmē honoris & dignitatis Episcopalis, vtinam quàm dignissimè quod virtus & doctrina ipsius pollicentur nobis: & quàm longissimè in quo Deus & superi annuant, euectus sit. Existimo quidem, nec falsum quidpiam, opinionem mihi subblādiri reor, à Cathedra Præmyslien: prædicari suos Herbor-

tos,

GRATVLATIO.

tos, maxime illum qui in concilio Tridentino, summo cum honore & splendore gentis Polonę, summā cum laude Posterorum, velut lumen quodpiam adfuit, satisque dexterrimē cum magno illo altero Hosio Polono Cardinali, in tantā coronā Senatus Catholici patrum, virtute & doctrinā magnorum stetit: vt iam ego licet vnicus Phęnix in orbe tradatur, duos Phęnices in Poloniā Herbortum cum Hosio dixerim, ac piē id quidem. Scio in memoriam, pastoralis huius dignitatis regimen, satis superq; laudabiliter, à Gosliciiis, Gomoliniis, Tarnauis, quorum iam animę in cęlo actum & factū reuocari: ac id amanter sane. Multorum sermone ad nos Cracouiam perlatum, hanc sellam Pręsulatus Pręmylsiensis, non multo ab hinc tempore, è viuis sublatū, pię memorię Matthiam Pstrokonlki luxisse & planxisse: ac id profecto iustē. Verū cum Tu Rndissime Antistes & Herbortos, virtute & doctrinā, maiorum imaginibus æques: & Gosliciiis, Gomoliniis, Tarnauis, in regiminē hoc pastorali Tuo, bene & cum laude administrando palmam pręripere contendas: restat, vt quas lacrymas sedes Pręmylsiensis Episcopalis, in decessu magni quōdam Pstrokonlki, fudit largissimas: eadem nunc, in successu maximi nunc sui pastoris Stanislai Siecinski, immenso tripudiet gaudio. O lacrymas: O dolorem, dum decedit ex Episcopatu clarus Pstrokonlki: O gaudium, O lętitiam, dum succedit in eundem clarissimus Siecinius. At qua ex re clarissimus? diximus, nobilitate,

GRATVLATIO.

Maiorum splendore & fulgore: nunc dicamus virtute & doctrinâ. Plura quidem potuissent, recenseri, vt honores, diuitiæ, affinitates, pulcritudo corporis, sanitas, sensus integri, ex quibus præstantissimos quosq; viros commendare præcipiunt dicendi Magistri; verùm hæc speciosa, virtus & doctrina necessaria: hæc apparèter bona, ea verè bona: hæc ad ornatum adhibenda, ea ad salutem: hæc externa, ea interna: hæc corporis, ea animi: hæc lubrica & fluxa, ea stabilia & immortalia; vt verissimè exclamârit Comicus. Omnia adesse ei bona, quem penes sit virtus: de doctrina verò & artibus quid dicemus? Ab omni æuo (literaturam gentilem, & diuinorum voluminum Sacramenta consulamus.) Deus extarre voluit doctrinam, velut pharum, & lucentem quandam ignem in tempestuoso mari: Hæc enim pacem dirigit, bellum dirimit: ea vitia virtutesq; premit aut excitat: testis temporum, arbitra meritorum, diribitrix litium. Reges & magna illa nomina summorum Pontificum, Cardinalium, Archipræsulum, Episcoporum, Satraparum, Dynastarum, Ducum, Comitum, Pallatinorum, obliuionem æuiternam iam nunc cogitent, nisi pænatus iste currus euehat & ostendat per æuum & gentes. Proinde quod aliquândo memini me audisse ex melleo Fabiano Birconio, Prædicatore ex familiâ S. Domitici, clarissimo, à cuius ego quôdam disciplinâ fui: potentissima Catholicorum esse argumenta contra Hereticos: bene viuere & doctum esse; idem ego iure meritis-

GRATVLATIO.

tissimo dixerim : maximas esse laudes, ne dicam cuiuslibet Præsulis, qui est spectaculum Deo, Angelis, & hominibus : sed etiam cuiuslibet Christiani : Virtutem, unde probitas vitæ est, & doctrinam. Satis itaq; ego mihi ostendisse videbor ; Stanislaum Siecinski non inferiorem Herbortis, superiorem aut certè parem Goslicis, Gomoliniis, Tarnauis, successisse in Episcopatum Præmylsiensem, si virtute & doctrinâ illustrem declarâro ; ut iam eâ de re vnâ mecum iustissimè gratulari sibi, & Præmylsia, quod tantum Præsulem nacta sit : quid Præmylsia ? imò omnis Senatus Polonus, quod tantum Senatorem sortitus : quid Senatus ? imò vniuersa Sarmatia, quod tantum lumē orbi peperit, posset. Eccam causam ? ob virtutem, quæ profecto summa est in amplissimo Præsule Siecinio ; vidit quippe & animaduertit suos Prædecessores, quid Prædecessores ? imò omnes hac mitrâ Episcopali fulgentes, quid mitrâ Episcopali fulgentes ? imò omnes nōmine & re veros Christianos, per virtutem, velut gradus quosdam ad cœlum ascendisse, famamq; sui nominis, & Maiorum, & posterorum, hac vnicâ, per hoc totum vniuersumq; mundi theatrū, propagasse : per hanc Stanislaus Tuus tutelarior, per hanc Adalbertus, per hanc Prandota, per hanc Zbigneus Olesnicki, ad cœlestium cohortes commigrârunt : ab hac Baranoui, Tylicij, Gebicij, Firleij, Szyskouii bene audiunt, & Tu Rndissime Antistes, æternū bene audies. Verumenimvero cum hoc sit nomen generale vir-

tusq;

GRATVLATIO.

tus, species ego eius aliquas, si non potero omnes ob ingenii imbecillitatem & inopiam dicendi, in amplissimo Præsule Præmysliensi commonstrabo. Quas ergo? mirè deuotum animum in Deum & Sanctos, morum comitatem, summam humanitatem, prope diuinam in egenos & pauperes munificētiā & liberalitatem: quibus profecto virtutibus Episcopalis dignitas velut cœlum Atlante fulcitur. Quā deuotum Amplissimus Præsul se gesserit in Deum, non est quod multa indicia huius rei conquiram: nostra Diua Virgo Maria Carmelitana Cracouiæ in Arenis tantis miraculis clara, vt iure cum Sichemienſi, & Hallenſi (quarum miracula magnus ille Lipsius, antiquarius huius æui panxit) multitudine miraculorum decertare possit, ea itaq; inquam Diua nostra amplissimo & luculentissimo testimonio est, deuotionis miræ Rndissimi Antistitis, quem nec longinquitas itineris, nec via luto & cœno infecta, nec domestici labores qui semper plurimi fuere, nec ceteræ occupationes retardârunt, quò sæpissime ac sæpissime inuiseret ædes eius, & ad imaginem ipsius ardentes preces & vota funderet; atq; nihil adeò iucundum, nihil suaue poterat obtigisse ei, quam pedes adire imaginem Diuæ Carmelitanæ, inuisere sepulcreta Diuorum, Stanislai, Hyacinthi, B. Cantij, Simonis de Lipnica Bernardini, Esaię Augustiniani, Michaelis ad S. Marcum, & D. Salomæ. Ad morum comitatem venio: à scopo eorū quàm probissimorum, (credite credite lecturi hanc O-

ratio-

GRATVLATIO.

rationem mihi religioso) nunquam aberrauit Rñdissi-
mus Antistes, dum adhuc inferior gradu, verum maxi-
mus hac virtute morum comitatis, esset : quid existima-
bimus, dum Episcopali dignitate insignitus est, dū Præ-
sulem agit ? quem lumen Tarsensis vrbs, imo totius or-
bis Paullus, eiusmodi debere esse docet : non irrepre-
hensibilem, vnus vxoris virum, sobrium, pudicū, pru-
dentem, ornatum, hospitalem, docibilem, non vinolen-
tum, non percussorem, sed modestum, & ceteris quæ de
eo sequuntur virtutibus præditum. Neq; vero quispiam
autumet vt illa vetus & quotidiana in cæteris macula
possit adspergi amplissimo Præsuli : Cum honoribus
in eo mutari mores : putate in peius ; in melius in melius
sperate indies mutādos. Ac vel maxime circa humanita-
tē & liberalitatē in egenos & inopes ; Humanitate ingē-
ti ornatū & præditum ipse ipse agnoui, dum in meā cel-
lam pauperem descendētem Canonicum vidi & salu-
taui : nunc credo & spero me suū experturū Epi-
scopi, dum paruulum hunc Æneam, qui ludat in aulâ
Tuâ nō quidquam satis pro honore Tuo laudes in cō-
spectū mitto. Vt quod olim diuinus Philosophus, à cuius
institutione Stagirita, iubeat Xenocratem, gratiis (qui
paulo magis quam decebat hominem tetricus erat) sa-
crificare : ipsæ gratiæ vltro Rñdissimo Antistiti Sæcinio
(qui plusquam humanus inter ceteros homines) sa-
crificent : vt iustissime pronuntiārim cum Pœta.

Candidus & talos à vertice Purus ad imos.

C

Iam

G R A T U L A T I O .

Iam vero si liberalitatis Tuæ, plurima eaq; clarissimā
specimina explicâro, omnes illos Alexandros, Cēlares,
Mecēnates superare mihi videris: nostros vero Radiui-
los, Macieiuios æquare: vtinā & illum magnum Petrū
dictum Gamratum Episcop: Ccrac: & Archiepisc: Gnes-
snen: imitari; de quo illud monumētis ad posteros trās-
missū est; antequam prandere occēpisset, plurimi pau-
peres concurrebant ad ipsius Pallatium, quos cum ille
vidisset: non prius sedisse ad mensam, & cibum sūp sisse
perhibetur, quoad ipse ipse omnes illos pauperes satu-
ros à domo suâ discessisse non animaduertisset; tum de-
mum edere Episcopum debere cū pauperes Christi
edissent, iustissimum asserens: ego vero dixerim & san-
ctissimum. O fēlices eiusmodi dexteras, nunquā nun-
quam, prout contigisse legimus apud Bāronium Osual-
do Scotorum Regi, marcidas & aridas futuras, verū per
omne tempus & æuum superuicturas. O liberales ma-
nus, quę sacram eleemosynam in egenos erogant, di-
gnas illo elogio, illius Aidani Episcopi, vt nunquā sene-
scant. His his itaq; virtutibus ornatum Amplissimum
Prēsulem Stanislaum Siecinium Cathedra Premyslien-
sis habes, quem iustum est vt ames, colas, obserues. Ti-
biq; ex obuentu tanti Episcopi gratuleris: verum & do-
ctrina in eo viro sumā, quę etiam eosdē affectus in eum
à Te exprimit & extorquet. O Rñdissime Antistes.

- - - - - O Sydere dextro.

Edite: multa Tibi Diuū indulgentia fauit,

Cūm

GRATVLATIO.

Cùm obires & lustrares Italiam, quam multis obiiſſe & luſtrâſſe, fuit ad libidines om̃es, mimicos nescio quos & hiſtrionum geſtus imbibendos & hauriendos: Tibi ad omnes theſauros ſcientiæ & eruditionis adferendos: vnde Te vt cœlum ita animum mutâſſe, qui trans Danubium cucurreris, dixerint omnes; obueraſabantur quippe animo tuo illi Hieronymi, Origenes, Pythagoræ, Platones, Democriti, qui omnis probitatis & doctrinæ ergo percipiendæ, non vero faſtus, luxus & totius improbitatis hauriendæ, tot oras variarum gentium peragrârunt. Multa multa itaq; doctrina allata, per Ampliſſimum Præſulē Staniffaum Siecinski ex Italia in Poloniam, quæ etiam indies reſcolitur & augetur ab eodē. Reſcolitur quidem, quia vt apud Iudæos, illa animalia pura, & ſacris apta, quæ ruminant: ſic huius Diuæ aris ille Myſtes, qui ea quæ à magnis ſuis præceptoribus percepit, repetit & apud ſe colit, Augetur autē: cum quotidie itur à Rēdiſſimo Antiſte ad Auguſtinos, Hieronymos, Ambroſios, Gregorios, Thomas Aquinates, Bonauenturas, Baronios: aut etiam longius, & quodammo- do à profeſſione Tuâ remotius: Platones, Ariſtoteles, Cicerones. O ſuauem mixtionem & cinnam. Nam ſicut ſaccaro cibi vt dulceſcant interſparguntur, ſic ſacra per prophana dulciora & ſuauiora redduntur. Verùm hæcenus laxata nescio quomodo vela huic ſtylo, & pro- uecta longius, obſeruantiâ Tuâ Rēdiſſime Antiſtes cō- trahenda tandē cenſeo. Faxit itaq; Deus Ter. Opt. Max.

GRATVLATIO. 10

comprimis huic Cathedræ Præmyllien: ex successu tam
probi tamq; eruditi Episcopi, qui nocte peccatis & frau-
dibus obicit nubem. Latere Præmyllia. Stanislauum Sie-
cinium Tibi alterum Stanislauum Craci futurum. Gau-
dete oues Præmyllianæ, tanto Pastore vestro, qui vnâ,
quod absit amissâ è centum, relictis nonaginta, quæsi-
turus est eam, & inuentâ, in ædes sacras humeris suis ad-
istat sumi Pastoris Christi importaturus. Letare Senatus,
Stanislauum Siecinium alterum Stanislauum Sczepanow-
ski, alterum Zbigneum Olesnicki libertate dicendi: al-
terum Radziwilum aut Macieiouium liberalitate: alte-
rum Zebrzydowium & Myszkowium doctrinâ & elo-
quentiâ: tua subsellia occupare. Triumphat tota vniuer-
sâq; Sarmatia, te eiusmodi parere filios & procreare
quorum Primus Siecinus Antistes Præmylliensis, qui.

ut altus Olympi

Vertex, qui spatio ventos, hyemesq; reliquit

Celsior exurgit pluuiis auditq; ruentes

Sub pedibus nimbos ut cæca tonitrua calcât.

Sic ille super inſcitiam, Auaritiâ, Affectus. Facit quod
magni animi ſui ſcito reliqui magni præſe tulêre. Quid
ergo? **PACEM SVMMAM TENENT:** ita Deus hoc
atq; altero æuo illam Ampliſſimo Præſuli Stani-
ſlao Siecinio donet.

**SCRIPSI LEGENT. REM
TENENTES IUDICATE**

FINIS.



am
au-
Sie-
au-
nâ,
efi-
ad
us,
m-
al-
tea
lo-
er-
are

BIBLIOTHECA
UNIVERSITATIS
JAGIELLONICAE

od
id
oc
us
p-
ed
ou
m-



